

松滋縣志

同治戊辰冬重修

松滋縣志

板存書院

重脩松滋縣志序

孔子曰蓋有不知而作之者
我無是也聖人且求知况其
下乎天下事未有不知而能
作者治天下則知天下治一
國則知一國即治一邑亦必

松滋縣志

序

知一邑邑宰雖稱知縣事則
一孫中可有一事不知哉亦
知疆域之廣狹必推暨不周
不知山川之險夷則措置不
當不知戶口之多寡則征斂
無準不知風俗之厚薄則變

化無方不知培士氣將何以
育英才不知振軍威將何以
防寇盜郵驛所以重公文不
知則慢隄塍所以全民命不
知則危城地所以崇報本固
隘所以固藩籬不知則內外

皆疎且也循良昭考事之師
貪酷作前車之鑒不知則生
戒不明巾幗負鬚眉之氣文
章徵道德之華不文則揄揚
不至地以祠廟奉神道以立
教灾祥原天意以示人解舍

所以寫官曹物產所以供日用不知則亦缺略而不詳以此而取一邑之就理其可得乎松滋古為方地宿應鷄尾之分西通夔蜀東接荆吳漢晉間用武之地東晉始置邑

宋紹興間遷今治予前需次會垣常閱通志覽輿圖已知其大略讀古名臣傳如傅秦政伍忠襄諸公鎮敵勳業赫赫照人耳目輒心嚮往之同治丙寅冬奉

上憲檄委署理斯邑買舟之
任溯大江而上行有日矣將
近松滋境偶與二三幕客推
蓬遠眺豁古今軼事及政治
之要是日微雪初霽江山如
畫客謂予曰聞斯邑多名勝

其尤著者東有諸葛城西南
有走馬嶺射探巖皆後漢時
遺蹟南弓程子山文公山乃
宋儒程明道朱元晦兩先生
講學處也有泔水繞邑之南
過公安入洞庭讀楚詞九歌

望泂陽子樞浦橫大江兮揚
靈不禁動人遐想松滋渡有
唐杜子美孟襄陽劉夢得諸
名人題詠昔曾讀其詩今幸
至其地而親覽其勝言未已
東風驟起片帆高挂波濤洶

湧江干一線長隄縣互數十
里萬井田廬疎列其下予謂
客曰素聞松滋隄工險要此
一邑之大利大害也

國課民生俱繫於此防維之策
可弗亟講乎少焉風平浪靜

遷槩徐行遙望羣山競秀婉
誕起伏而來若拱揖若遠抱
又若顧盼有情雲霧迷茫初
不知其何山也旋見疎林密
箐間雉堞微露樓閣參差炊
烟布護舟人告予曰此即松

滋治也未幾至邑見其民風
古樸人敦節義戶唱詩書農
工商賈各勤其業知其地之
大可為也下車之初謁諸廟
會同僚清蹇庶務尚未盡知
邑事之詳居數日塵牘稍清

索觀縣志則鏤板久已無存
所存者鈔簡鈔編而已進紳
耆而詢之金曰自明季以迄
國初屢遭兵燹典籍之亡康熙
初邑侯李公式祖始輯大略
厥後庠公超京陳公麟相繼

重修仍屬簡略自是百六十
餘年未經脩輯道光間陸公
錫璞始議重修功未竟而去
任同治四五年間江上士潘
鍾公溶先後奉
藩憲檄飭重脩局雖設而未

就尋以事去再沒數年日即
散軼縣事不可復知矣予曰
諾稍緩當即脩之予於是年
十一月履任察知地方情形
權其緩急輕重因思大江經
行境內倚堤為固乃以歲久

失修坍塌日甚設遇伏秋大
汛將何所恃遂躬親履勘逐
段增修並察公弊竇詳明
上憲改章辦理時值缺檢竄
擾京山天門一帶風聲鶴唳
人心震恐察知各鄉團務廢

弛已久因皆飭二十一都選
精壯勤操練聯絡聲勢以備
不虞幸江流順軌賊氛遠颺
闔境獲臻安謐其餘應行事
宜亦漸察公全局次第舉行
函議重修縣志適陸前令之

孫來松携到前所脩四卷詳
加披閱體裁未合疎漏訛謬
頗多而刊板字跡亦多未全
知為未成之書未足信今俟
後爰與學博朱公美變及邑
人士博采旁搜彙五考訂取

諸舊志故者補誤者正續出
者增綱舉目張條分縷晰多
於舊志者二倍凡事之所當
知者皆已畢具庶乎燦然可
觀矣標其目曰輿地建置食
貨水利學校武備職官選舉

人物列女藝文並雜志共十
二卷閱年餘而告成遂付剞
劂藏之署閣後之宰斯邑者
案置一編自可不下堂階而
知一邑之事未始非為治之
一助也然予竊為求知者進

一解焉蓋事有宜古而不宜
今宜彼而不宜此下民之隱
微志有所不能達時勢之變
遷志有所不能窮為泥志以
求之何異於膠柱鼓瑟刻舟
求劍也夫為治之道貴順天

時因地利協人情志所不能
達者曲體而知志所不能窮
者參酌而書且一邑之內宛
若一家即志所不能達不能
窮者無難親歷目覩而知不
但已也說命曰非知之艱行

之惟艱凡事之有益於
國計民生者無論志之有無苟
知之即身體而力行之寓轉
移於聽訖棄撫字於催科如
此類者惟在留心治理者善
用權衡耳本乎志而不泥於

松滋縣志

序

上

志斯為善讀志而不誤用其
知即如莊子所謂得魚兔而
忘蹄筌亦無不可方今

皇太后

皇上軫念民依洞志利弊
列憲勤求治譜共贊

昇平邑宰為親民之官職任綦
重自慚樗質泚廁花封現已
兩逾寒暑於縣事之源流鉅
細積有見聞因特詳述所知
以備

輶軒之采而存文獻之徵云爾

松滋縣志

序


三

是為序

時

同治七年戊辰嘉平月中州

呂縉雲少丞甫識於松
滋縣署之退思齋



序

楚山自王子軍興再經兵燹圖書版籍蕩然無存大憲以志書為吏治之綱維爰檄郡縣各修志書以垂軌物而昭法守前署令中州呂君道承此命延集

松滋縣志

序

縣廣文朱君曉林及邑中薦紳先生諸名士分曹司事搜羅纂輯歲再閱而書成付梓未竟而余蒞茲土窺其全書例義既嚴提綱析類莫不繁簡得宜條龍明備乃邑人士謬列余名竝請

序於余、何功於是役而坐享其名者且土輿民風強半未志無所歸列以歲其見聞何以序為惟余心竊有惑焉前此余祖姑之孫王範初先生於咸豐戊午署篆茲邑以志書之爰修百數十餘載雅意舉

行爰手鈔舊志敘卷親加鈔黃以備采覽謀未然而去矣與親故言及蒞官數邑而松滋為古名區代有偉人鴻儒泚援奇節異行多可表見遲之既久將就湮沒每以未及興修為恨嗚乎士生當